



**O'zbekiston davlat xoreografiya akademiyasi
talabalarining ilmiy tadqiqot faoliyatini tashkil etish tartibi
to'g'risidagi
NIZOM**

I bob. Umumiy qoidalar

1. Mazkur Nizom O'zbekiston Respublikasining "Ta'lif to'g'risidagi" va "Kadrlar tayyorlash Milliy dasturi to'g'risida"gi qonunlariga, O'zbekiston Respublikasi Prezidentining "Oliy ta'lif tizimini yanada rivojlantirish chora-tadbirlari to'g'risida"gi 2017 yil 20 apreldagi PQ-2909-sonli, 2018 yil 25 oktabrdagi "Xorijda istiqomat qilayotgan vatandoshlar bilan hamkorlik sohasida O'zbekiston Respublikasi davlat siyosatini yanada takomillashtirish chora-tadbirlari to'g'risida"gi PQ-3982-sonli qarorlari, O'zbekiston davlat xoreografiya akademiyasi talabalarining ilmiy-tadqiqot faoliyatini tashkil etish tartibini belgilaydi.

2. Talabalarning ilmiy-tadqiqot ishlari akademianing malakali kadrlar yetishtirish yo'nalishidagi faoliyatida bo'lajak mutaxassislarning sohaga oid masalalarni ilmiy va amaliy jihatdan hal qilish ko'nikmalarini shakllantirish maqsadida tashkil qilinadi.

II. Talabalar ilmiy-tadqiqot faoliyatining maqsad va vazifalari

3. Talabalar ilmiy-tadqiqot faoliyatini tashkil etish va rivojlantirishdan ko'zlangan maqsad:

tegishli ta'lif sohalari bo'yicha talabalarning bilimini oshirish;
malakali kadrlar tayyorlash sifatini yanada oshirish;

xoreografiya akademiya talabalarining ijodiy qobiliyati va ijod erkinligini, shuningdek ularda o'quv jarayoni va kelajakda amalga oshiradigan amaliy faoliyatida tashabbuskorlik hissini shakllantirish va rivojlantirish;

talabalarning ilmiy-tadqiqot faoliyatini amalga oshirish yo'li bilan o'z mutaxassisligiga bo'lgan ijodiy yondashuvini shakllantirish, bo'lajak mutaxassislarning shaxsiy professional xususiyatlarini shakllantirishga ko'maklashish.

4. Talabalar ilmiy-tadqiqot faoliyatini tashkil etish va rivojlantirishning asosiy vazifalari:

talabalarning (ijodiy) ilmiy-tadqiqot ishlarini amalga oshirishning turli usullari, yo‘nalishlari va ko‘nikmalarini o‘zlashtirishiga erishish;

talabalarning ilmiy-tadqiqot faoliyatida ishtirok etishi orqali o‘quv materiallarini chuqurroq o‘zlashtirishiga ko‘maklashish va ularning ushbu jarayonga ijodiy yondashuvini kuchaytirish;

oliy o‘quv yurtidan keyingi ta’lim bosqichlariga qobiliyatli yoshlarni tanlash bo‘yicha ishlarni tashkil etishda kutilgan sifat va samaraga erishishga ko‘maklashish.

III. Talabalar (ijodiy) ilmiy-tadqiqot faoliyatini tashkil etish va boshqarish

5. Xoreografiya akademiyasi talabalarining ilmiy-tadqiqot faoliyatini tashkil etish va boshqarish akademianing Ilmiy ishlar va innovatsiyalar bo‘yicha prorektori zimmasiga yuklanadi. Talabalarning ilmiy-tadqiqot faoliyati kafedralar, talabalar ilmiy to‘garaklari, Yosh olimlar kengashi, Iqtidorli talabalarning ilmiy-tadqiqot faoliyatini tashkil etish bo‘limi olib boradi. Mazkur tuzilmalardagi ilmiy-tadqiqot ishlarini tashkil etish va boshqarish, ularning samaradorligiga mazkur tuzilma mas’ul xodimlari javobgar hisoblanadi. Ushbu tuzilmalarning har biri o‘zining funksional vazifalaridan kelib chiqqan holda talabalar ijodiy-ilmiy faoliyatini amalga oshirish ishlarida ishtirok etadi.

6. Kafedraning professor-o‘qituvchilari talabalar tomonidan tayyorlangan ilmiy maqolalarni ko‘rib chiqadi va chop etish uchun tavsiya etadi.

7. Kafedralar akademianing ilmiy yo‘nalishdagi faoliyatini rivojlantirish maqsadida ilmiy-tadqiqot faoliyati bilan shug‘ullanuvchi har bir talabaning ilmiy sohada o‘z qobiliyatini ko‘rsatishiga imkoniyat yaratishi shart.

8. Kafedralar qoshidagi ilmiy to‘garaklar talabalarni mazkur Nizomda belgilangan maqsadlarga erishish hamda tegishli ta’lim yo‘nalishlari bo‘yicha tanlov va olimpiadalarda ishtirok etishi uchun tayyorlaydi.

9. Kafedrada amalga oshirilayotgan talabalarning ilmiy-tadqiqot faoliyatiga oid ko‘rsatkichlar kafedra va uning professor-o‘qituvchilari faoliyatiga baho berishda inobatga olinadi. Mazkur ko‘rsatkichlar kafedralarning hisobotlarida aks etishi shart.

10. Akademiyada talabalarning ilmiy-tadqiqot ishlarini tashkil etishni boshqarish kafedralar tomonidan talabalarning ilmiy-tadqiqot faoliyatiga oid rejalarining bajarilishini nazorat qilishni ham ko‘zda tutadi.

11. Talabalarning (ijodiy) ilmiy-tadqiqot faoliyati bilan bog‘liq akademianing boshqaruvi ishlarini takomillashtirishga oid takliflari Iqtidorli talabalarning ilmiy-tadqiqot faoliyatini tashkil etish bo‘limi tomonidan o‘rganiladi va ular yuzasidan tegishli tartibda taklif va tavsiyalar ishlab chiqiladi.

12. Akademiyada talabalarning ilmiy-tadqiqot faoliyatini tashkil etish quyidagi tamoyillarga asoslanadi:

Ilmiy-tadqiqot jarayonlarining o‘zaro bog‘liqligi va uzviy olib borilishi;

talabalarning (ijodiy) ilmiy-tadqiqot faoliyatini tashkil etishda ham nazariy, ham amaliy ko‘nikmalarning shakllantirilishi;

talabalar ilmiy-tadqiqot faoliyatining ilmiy faoliyat natijalari referatlar, risolalar, bitiruv malakaviy ishlari, magistrlik dissertatsiyalari, ilmiy maqolalar va tezislardan kabi ma’lum shakllarda namoyon bo‘lishi;

talabalarning ilmiy-tadqiqot faoliyatining davomiyligi va uzzuksizligi (bakalavr, magistr va h.k.).

13. Akademiya talabalarining ilmiy-tadqiqot faoliyati turlari:

o‘quv jarayonida qo‘llaniladigan ilmiy-tadqiqot faoliyati;

o‘quv jarayonini to‘ldiradigan ilmiy-tadqiqot faoliyati.

14. O‘quv jarayonida qo‘llaniladigan ilmiy-tadqiqot faoliyati o‘quv dasturlari va rejalariga kiritilgan bo‘lib, u quyidagi shakllarda amalga oshiriladi:

kurs ishlari, bitiruv malakaviy ishlari va magistrlik dissertatsiyalari.

15. O‘quv jarayonini to‘ldiradigan ilmiy-tadqiqot faoliyati o‘quv dasturlarida nazarda tutilmaydi, u talabalarning mutaxassis sifatidagi ko‘nikmalarini shakllantirish va rivojlantirishga ko‘maklashadi. Ushbu faoliyat quyidagi shakllarda amalga oshiriladi:

talabalar ilmiy to‘garaklariga a’zo bo‘lish;

talabalarning ilmiy seminarlar, konferensiyalar, tanlovlardan, festivallar, davra suhbatlari, kongresslar, forumlarda ishtirok etishi;

talabalar ilmiy nashrlari.

16. Talabalar ilmiy-tadqiqot faoliyatini amalga oshirish turlari quyidagilardan iborat:

ilmiy-tadqiqot ishlarini rejalashtirish, tashkillashtirish va amalga oshirish metodologiyasini o‘rganish;

akademianing ilmiy faoliyat yo‘nalishlari, ularning faoliyatini amalga oshirish prinsiplari, an‘analari, yutuqlari bilan tanishish;

talabalar ilmiy jamiyatni, ilmiy to‘garaklar va boshqa ilmiy bo‘linmalar faoliyatida ishtirok etish;

akademiya doirasida, respublika OTMlari va xalqaro miqyosida amalga oshiriladigan ilmiy seminarlar, konferensiyalar, tanlovlardan, festivallar, davra suhbatlari, kongresslar, forumlarda ishtirok etish;

bajarilgan ilmiy-tadqiqot ishi natijalarini magistrlik dissertatsiyasi, bitiruv malakaviy ishi, kurs ishi, referat, konferensiya yoki davra suhbatlarida, ilmiy to‘garak majlislarida bayon etiladigan ilmiy ma’ruza tarzida ilmiy maqola yoki tezis taqdim etish;

ilmiy yo‘nalishlar bo‘yicha tadqiqot mavzularini izlash va tanlash;

ilmiy jurnallarda maqolalar chop etish;

xorijiy ilmiy maqolalar chop etish;

ilmiy risola va monografiyalar chop etish;

fan olimpiadalarda va ijodiy tanlovlarda ishtirok etish.

IV. Talabalar ilmiy-tadqiqot faoliyatini moliyaviy va moddiy-texnik jihatdan ta’minlash

17. Talabalarning ilmiy-tadqiqot faoliyati O‘zbekiston davlat xoreografiya akademiyasi tomonidan ajratiladagan mablag‘lar, shuningdek, byudjet va byudjetdan tashqari mablag‘lari hamda qonunchilikda taqiqilanmagan boshqa manbalar hisobidan moliyalashtiriladi.

V. Talabalar ilmiy-tadqiqot faoliyatini rag‘batlantirish

18. Talabalar ilmiy-tadqiqot faoliyatini rag‘batlantirishning asosiy shakllari bo‘lib quyidagilar hisoblanadi:

talabalarning ilmiy-ijodiy ishlarini akademiya doirasidagi nashrlarda chop etish;

talabalarning eng yaxshi ilmiy ishlari, startap loyihalari namunalarini turli darajadagi tanlov va konferensiyalarda taqdim etish;

ilmiy-tadqiqot faoliyati bilan shug‘ullanuvchi talabalar nomzodini davlat va nodavlat muassasalari tomonidan e’lon qilinadigan ta’lim va ilmiy yo‘nalishdagi turli grantlarda ishtirok etishiga ko‘maklashish maqsadida taqdim etish;

talabalarni moddiy va ma’naviy jihatdan rag‘batlantirish (tashakkurnoma e’lon qilish, faxriy yorliqlar bilan taqdirlash, ilmiy-tadqiqot faoliyati bo‘yicha erishgan yuksak natijalari uchun qimmatbaho sovg‘alar taqdim etish va h.);

akademiya va respublika ilmiy nashrlarida o‘z ilmiy maqolalari va boshqa ilmiy ishlari bilan faol ishtirok etgan, shuningdek, ilmiy yo‘nalishdagi boshqa har qanday faoliyatda tashabbus ko‘rsatgan (grant loyihalarida ishtirok etish, qonun loyihalari yuzasidan takliflar kiritish, ilmiy yo‘nalishdagi turli tadbirlar ishtirokchisi, g‘olibi bo‘lish va h.k.) magistrning u tahsil olgan kafedraga doktorant sifatida o‘qishga kirishi uchun akademianing Ilmiy ishlar va innovatsiyalar bo‘yicha prorektori tomonidan tavsiyanoma beriladi.

19. Ushbu yo‘nalishda yuqori natjalarga erishgan akademiya professor-o‘qituvchilari va ilmiy xodimlarini moddiy va ma’naviy rag‘batlantirish.

VI. Yakuniy qoida

20. Mazkur Nizomga tegishli o‘zgartirish va qo‘shimchalar kiritish rektor buyrug‘iga asosan amalga oshiriladi.